



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會編

上海古籍出版社

清代詩文集彙編 七三九

棠谿文鈔八卷 沈用增撰

一

聽蟬書屋詩錄十二卷聽蟬書屋文錄二卷附駢文一卷尺牘一卷 吳德純撰

一六一

顧鳳翔遺集一卷 顧 駿撰

二九七

味靈華館詩六卷 商廷煥撰

三三三

曾惠敏公奏疏六卷曾惠敏公文集五卷曾惠敏公詩集四卷

曾惠敏公日記二卷 曾紀澤撰

三六三

犢鼻山房小藁八卷 劉 侃撰

六一九

息園詩存九卷 方希孟撰

七一七

棠谿文鈔

八卷

惺吾題

光緒戊寅
鄂城開雕

孝感沈君棠溪擅古文詞者三十年江漢間譚藝之士輒檢衽相推服咸謂沈君文士文士余耳其名亦以文士目之及咸豐戊午舉解試與長子良楨爲同年誼計偕入都執年家子禮過余則恂恂乎儒者也窺其梗概若不以文士自處者辛未春以積歲文集相質余讀之閱肆淵茂深得古人神味而以己意揮灑出之及有關世道人心之事則能見其大挾其要而有裨於時而後歎向之目棠溪者誠淺也夫今之所謂文士者半皆汨於科第之文角勝於言語聲偶如孤狔之食於死母也登第後始褰裳去之別求所謂古文詞者而託足以鳴高然拘於其墟未有易其故步者否則磨盾之士挾七寸管佐戎幕飛書草檄動輒數百千言其於古文詞特借徑焉以爲羔雁之贄故余謂震澤而後綴文之士苟言之無物者皆帖括之文也姚江而後綴文之士苟非有見於理而徒騁於詞者皆公牘之文也於今爲尤甚棠溪之文之於今日誠可謂能自立者其躋於春官試亦屢矣然未能俯首以就有司之繩尺亦既以文墨見知於大吏矣然未肯一刺爲先容也授徒於鄉遠近廬至者恆數十人粵寇平後有勳將思折節讀書訪焉從而就弟子列然未敢以軍事相煩勞也是則棠溪之所以自處者可知矣假令少勦其力於課試之文以博上第或馳驅戎馬挾所蓄

而求要津故有必致之道焉然固不以彼而易此則向之以文士
目棠溪者誠淺也若夫文之工則集中諸君子之所推許者已詳
其及於古而有裨於時則又夫人而共見者故不遑案溪齒已逾
六十是年復未第毫不涉意語余云吾輩既入此途當堅其志以
篤其緒倘精力不衰頽及試時仍橐筆從事得與失一聽之悻悻
奚爲戀戀又奚爲者至古文詞所好在是是尤自勉焉不敢懈聽
其言如此知其志其品及其所以自處之道有非古人所得窺者
所謂文集吾決其必傳於世讀之者能僅以文士目吾棠溪乎哉
昔同治辛未歲五月望後補圻賀壽慈雲甫氏序於京師之憩雲

間舫

棠溪文集卷一

二

在古唯有言而已其不朽者則謂立言初未專以文稱也後世驚
華之士輩出乃標名曰文歷久而創爲體者愈多布爲法者愈密
且尊之曰古文然揆諸古立言之旨則當焉者罕矣夫古之立言
者其考道問德也久矣精義入神也深矣推古今之變見天下之
頤也博矣發而爲言窮理切事實前聖待後世不謬不惑也繁殺
曲直高下難易惟所施無意於體體自成無意於法法必備望之
若喬嶽穹隆亘終古不騫也察之若偃虹之梁凌雲之樓負嵎蟻
承廣廈也颶之苦爲鐘鼓奏琴瑟疾徐抗墜咸中倫也夫然後而
言立可不朽吾學後世工文者兩漢以還唐宋最盛若韓氏歐陽
氏曾氏其合於古之立言者什得五六焉柳氏王氏蘇氏什得三
四焉下此雖專門名家聲振文苑者直可以技藝視之而已於古
立言千百不得一二焉嗟乎聰明才辨不世出之士竭畢生精力
希聖賢立功業何不足者願溺於詞章知盡能索徒使人視之與
技藝等豈不重可惜哉此無他古求之本今探之末古充之內今
耀之外古植之根幹今攬之枝葉愈工愈不肖何當於立言之旨
哉柏心夙昔持論若此不敢以語人今讀沈子棠溪所著古文而
有契焉沈子之文語道必衷諸經語事之利害必援諸古切諸今
雖亦用世所謂體與法而不爲所囿固而存之氣益昌優而采之

棠溪文集卷一

一

時益厚闊而鬱之光益長回翔雅步而無啾緩流散之失直詞盛
 氣而無張脈憤興之態有類歐氏曾氏所爲者又其立身行己往
 往近古賢哲處貧賤患難由由自得視人間高貴膺仕不啻草芥
 塵埃者然生平砥礪風節未嘗涉脂韋梯榮之習不以所長驕人
 無貴賤皆恂恂溫溫然其中廉直勁正不可回撓勇有過責育者
 嘗有立功闡帥以雄武貴倨自豪慕君名延致執北而禮而君自
 居揖客所以易屬之者皆古名臣行事帥心折禮敬不衰尤好稽
 古年及耆日孜孜諷覽不休自謂第春官後得博士一秩沈酣
 卒業於古文足矣哀所作微柏心一言柏心不敢違古又於世所
 謂體與法者茫昧無能諳習然心重君文雖不能遽謂已符古立
 言者推君之學行按君之文蓋求之本者也充之內者也植之根
 幹者也非可徒以技藝視之者也監利王柏心

棠溪文鈔卷十一

二

棠溪文鈔目錄

孝感沈用增質庵著

受業蒲圻賀綸變稚珉校字

卷一

重刻鄉黨圖考序

重刊楊椒山先生家訓序

香谷孫君篤行序

送尹觀察從戎序

送黃翔雲駕部之寺雅州序

送劉賓臣侍御之寺閩中序

目錄

送范月樵助教之官揚州序

送張典三戶部之刺岷州序

送胡介卿給諫之任浙江糧道序

吳禹臣侍御時文序

陳小劬學士奏議序

陸給諫遺集序

石芸齋廉訪文集序

代陳給諫

洪石臣太史文集序

張對山先生詩集序

程維周詩集序

魏石琴遺詩序

丁星海詩序

劉神木詩集序

沈氏族譜小序 三則

白雲山志小序 四則

卷二

舅氏西峯李公文集序

吳荆濱廣文詩集序

目錄

張仲遠觀察比屋聯吟圖序

贈劉庸夫司馬序

陶然亭雅集序

朱璧人明經時文序 代

劉庸夫司馬文集序

世史淘金序

陽湖王氏族譜序

巴陵曹氏族譜序

黃岡高氏族譜後序

益陽丁氏族譜序 代

贈熊生又村序

萬藻卿詩序

工部尚書賀公七旬壽序 代許星台方伯

工部尚書賀公七旬壽序 代鍾廉訪

奉政大夫高公六旬壽序

山西同知余南軒先生六旬壽序 代單地山相國

誥封宜人徐宜人六旬壽序

誥封太恭人李太恭人九旬壽序

目錄

三

誥封太淑人屠太淑人七旬壽序 代賀大司空

誥封一品太夫人郭太夫人八旬壽序

誥封淑人屠太宜人六旬壽序

誥封太恭人王太恭人七旬壽序

送夕照寺法雲師還昌化序

卷三

秦誓論

禮記論

漢武帝論

丁公論

董仲舒論

蜀先主論

陸遜論

陳壽論

習鑿齒論

杜太后論

鄒元標論

駁全謝山曲端論

目錄

四

儉以養廉論

同治五年應會沅圃爵撫觀風課

平捻匪策

同治五年應會沅圃爵撫觀風課

白雲山志論

六則

渭汭觀型辨

寢不尸辨

書李剛主年譜後

義利說

卷四

直隸布政司屠公傳

鄉賢李公傳

汪午橋先生傳

宋明經傳

繭廬僧傳

永康胡氏七烈合傳

族叔澤智傳

節孝高孺人傳

史氏二節婦傳

烈婦胡王氏傳

目錄

五

李世鏐聘室張貞女傳

烈婦沈夏氏傳

烈婦吳柯氏傳

李芳傳

布衣徐仲章傳

貞烈喻熊氏傳

烈婦桂任氏傳

益陽胡文忠公逸事

徐觀察司訓鄖陽事

湖北三學政事畧

書南康積贖

書王明府弭唐江勇患紀略

卷五

贈資政大夫蘭亭陳公墓誌銘

贈中憲大夫方公墓誌銘

贈朝議大夫余公墓誌銘

贈中憲大夫余公墓誌銘

安陸縣廩生陳君墓誌銘

目錄

六

永綏廳同知但公墓誌銘

武昌府教授朱小酉先生墓誌

誥封淑人賀母錢淑人墓誌銘

誥封太恭人夏母魏太恭人墓誌銘

王母李恭人墓誌銘

試用訓導汝州張先生墓誌銘

卷六

李夢農先生墓表

候選教諭周先生墓表

程維周先生墓表

贈翰林檢討田公墓表

丁母侯太宜人墓表

烈婦沈周氏墓表

祭胡母湯太夫人文代

桂生哀詞

許方伯靜虛室題跋

王奎垣業精于勤額跋

鄒鳳亭習勤補拙額跋

目錄

七

熊雲村司馬隸書四箴跋

徐氏家訓跋

題汪禹門僧裝小照

書楊母鄭孺人節孝冊後

卷七

江陵重興龍山書院碑記

徐中翰怡園記

重修湖廣督署碑記

東平州王刺史守城記

漢陽鎮署明遠亭記

湯觀察平盜記

遊大觀亭記

荆沙晴川書院碑記

永綏廳同知但公祠記

白雲山大義祠碑記

新修京都孝感會館南院記

勅建威毅余公祠記

秦人宅記

萬卷樓記

烈婦郭任氏碑陰記

京都夕照寺重修大雄殿記

咸甯縣重修大橋畝石橋碑記

九江府重修能仁寺寶塔記 代景觀察

新修京都鄖陽會館碑記 代王鑑亭侍郎

望江亭記

游黃鶴樓記

卷八

目錄

八

致向梅修刺史索生輓詩書

上河南張巡撫書 同治二年作於許州

代徐觀察上河南巡撫書

復陳右臣明府書

致鍾都轉乞助會試貲書

復熊礪隱上舍書

致林縣張明府

復王子壽刑部書

上賀司寇書

致楊明經書

寄李芋仙刺史書

寄黃翔雲觀察書

與石乙亭書

致蔡舜臣邑侯書

書三原焦公家冊後

書陳小舫先生阮陳論後

書永康諸生胡鳳恩殉節錄後

約起義討賊檄 咸豐四年正月作

目錄

九

聞雞起舞賦並序

同治五年應會館無觀後課

棠溪文鈔卷一

孝感沈用增質菴著

受業蒲圻賀綸慶稚珉校字

重刊鄉黨圖考序

新安江慎修先生鄉黨圖考十卷行世百餘年板已泯漫族裔某將重付剞劂屬余言弁其端余攻舉業時服膺先生說最久爰序之曰鄉黨一篇雖紀聖人外著之節文實與大學中庸相表裏者也何也聖德如天道之道不易爲窺測推步者惟執七政二十八宿以量晷度定分至而後銖黍不差焉聖人之全體大用大學賅之中庸又推聖神功化之所及可謂詳且盡矣顧於日用行習之

棠溪文鈔卷一

常散見論語他篇略而弗備賴門弟子以其目覩心得者筆之於書爲後世法今去聖人數千年矣然觀於朝廷鄉黨其語默氣色之異致升降上下之異度舒斂緩急之異儀以及衣食之宜舉動之敬則聖人以從容中道者學者卽以制外而養中且如宮室車服聘問燕享諸大典考其制度習其禮數不獨如觀三代之盛而他日出佐休明勲國家制作以行其平治參贊之學者胥於是乎在是故大學中庸天道也鄉黨則七政二十八宿也善學聖人者以大學中庸要其成而用功必自鄉黨始雖然鄉黨宜學矣而誦之時其考典尤必精且核漢代言未逮諸儒以一經相授受

故鄉黨註最善唐疏因而推闡之宋儒專談義理略於典制明人以帖括取士致有溺於講章終身不識註疏者我朝文治昌明惠定宇閣百詩諸名儒首倡漢學至江先生集其成先生研覃十三經凡古今制度及鐘律聲韻輿地靡不探賾索隱嘗偕友人入都時開三禮館方望溪閣學以經術自命舉冠昏數事爲難先生博徵詳對方爲折服蓋亦漢唐諸儒之流亞矣晚年手著斯編綜考諸經繪爲圖說誠有如王述菴侍郎所云發揮鉅典昭晰疑義者雖謂議事必在內朝天子設屏在應門外頗失疎漏然千金之璧不能無類詎可以相訾議歟乾隆中纂修四庫全書皖撫以

棠溪文鈔卷一

二

斯編進有考核精密之目學者果究心焉可以窺聖人之行習並可識古昔之典章由是進以大學中庸爲明體達用之儒不難矣然則某之重付剞劂也固以表揚其先德而有功於後學豈小也哉

重刊楊椒山先生家訓序代

冀寧京師有以楊忠愍公家訓見贈者讀而心善之今來江右將鏤板歸以貽同里而序其首曰明自嘉靖中分宜柄國兇饒薰天公以樞部枝官劾嵩十大罪就義西市三百年來天下之讀公本傳及奏疏詩文者莫不重之如河嶽望之如日星謂浩氣貫太虛之非虛語也獨拳拳於瑣屑家訓也何哉蓋孔子繫易之家人曰父父子子兄兄弟弟夫婦夫婦而家道正正家而天下定矣今白公卿大夫下至士庶莫不有家即莫不欲其家之整齊劃一者然而誼親不能以分臨情昵又難以威制而其中之秀者頑者愚者

棠溪文鈔卷一

三

黠者外勤敏而陰縱蕩者皆足以眩吾耳目而易吾喜怒而婦妾或從而間之奴婢又從而榮之於是聲譽誦許十室而九卽摺紳士大夫往往有不免者豈非反身不以道昧於家人之義耶公於就義前夕從容區處爲一十九條展轉讀之凜凜然見剛正之概焉怡怡然見恬淡之懷焉藹藹然見惻惻真摯物各得所之象焉意公忠毅發於至性自從苑洛問樂後得力於養氣之學者獨多氣之體渾然太和無息不行無微之不入當愁而發當春而生順時應物自具適中之妙公得其浩然而直養之故其彈相嵩調馬市也如風霜冰雪凜冽不可犯而訓家人也則寓秋肅於春溫之

內其言約其事儉而易行至立志舉業兩條平易近人不似道學家高談性命之旨大易所謂言之有物也言之有物斯行之能有恆矣家人之義歸於反身不信然歟吾鄉風俗質厚家教甚嚴洵有如漢史所云世家則好禮文者忠愍此訓向少傳本同里或多未覲予故重鋟之並載板歸以便於摹印而廣爲散佈學者苟師公訓力行而擴充之將任天下事不難矣豈獨齊家也歟哉

香谷孫君篤行序

漢陽爲吾郡文物地康熙時王孟懷李雲田兩先生以詩鳴公卿間余嘗經其故居九真列其前龍展環其後左右平湖映帶無施漢注洩奔駛狀山峙而水激意必有獨行君子鍾毓於其間而非拙祕騁妍之士所能盡也比年居夏口所遇漢人士輒稱香谷孫君賢而關中兩浙人之頌君也尤甚今春來都門哲嗣平階戎部昕夕相過從述君內行及樂施急公事乞爲序以誌諸譚余維君子之學莫要於修身身修則一家之矩範立焉一鄉之休戚賴焉卽令時值艱虞而善氣之既盈自足招祥和而消沴厲裴承詢鄴

綺之同居柳玘之世顯貴王彥方鄭康成之化鄉鄰而遠寇賊其明驗也孫氏居九真山麓以詩書傳其家不析產者凡五世君慨好施與瞻耄過人於書喜史漢三國志嘗讀蔡澤傳嘆曰大丈夫不能徒步取卿相奈何踰伏井白問日求田問舍以足穀翁沒牖下乎時食指繁歲耗輒不足遂偕兄弟賢漢皋歲暮歸家必省同里之瘠苦寒者衣飢者食病者藥其排難解紛捐貲以成義舉者不可枚數也戊申己酉楚大浸漂蕩行乞者日千百計君與兄弟煮豆煮粥以濟急壬子冬粵逆竄楚省垣戒嚴君集同居長幼百餘人涕泣語曰我輩食毛踐土享承平福二百年所可報國

者惟竭力相贊耳事急矣兵餉匱不足將若何吾欲藉橐中積問道達鄂中以助軍眾曰善即攜金倉皇往未抵鄂則城已陷矣君謂姪尊三曰此物已許輸公急豈可復入私囊乎比歸家漢商避難者磨集君并舍處之周其衣食使無凍餒患山陝兩浙有素不識面者數十柄依年餘待之如始至嗚呼墨戾之子廣積而膏施憐憫焉惟恐喪其撲滿甚至親戚故舊委爲溝中瘠不屑一顧况秦越人歟當甲寅乙卯間兵餉支絀大吏委枝官四出諭捐有藏珠不惜剖腹者况閉關赴難歟且夫君不過閭閻中小康正受一命之榮升斗之祿也適明於大節忠義憤發如是彼操兵者磨商

棠溪文鈔卷一

六

寄猶且厚自封殖市田購宅以爲子孫計獨何心哉固君之風其亦可以自愧已夫君家居時必以孝友勤儉訓族黨凡有利於鄉里者徑行之雖受重累無所怙方賊之踞漢陽也操民間男婦數十人繫君舍時君已早春避山中甫聞之遽謂諸兄曰賊所劫皆吾同井戚生死所爭呼吸耳須以計篡取之皆曰諾即募鄉老十數人乘小舫駛歸具美饌餽賊使大醉因釋其縛潛逸去賊覺大怒縱火肆焚比舍百餘楹無寸椽焉君以助餉督練積勳授甘肅縣令詰嗣兩登上庠季中戊辰進士官戎部郎即平階也或謂九真清淑之氣昔萃於王季今鍾於孫氏予曰不然今夫山址廓而

土墳生物必殖瘠則易童矣今夫水瀕瀕而潔洄斯圓折珠方折玉脫害之下必無巨鱗矣易重子諒之心人皆有之惟始見爲當爲繼計利害而悔生謀及兄弟妻孥而終止爲山之虧一簣掘井而不及泉職是故也君仁靜智流得於天者厚伯仲昆弟又能同心協德恣君所欲爲泰山之雲黃河之潤君之行誼實匹之豈九真山水所能髣髴歟君現官合水多惠政大吏上君績以直隸州補用今西事孔棘撫馭需才惟以爲政於家行善於鄉者舉而措之裕如已他日余過九真說展間將進舊識數人謂之曰此固大好山水獨行循吏今有其人諸君子幸自厲勿執孟懷雲田數卷詩侈譚藝文爲快也

棠溪文鈔卷一

七

送尹觀察西征序

同治二年冬陝匪東竄豫撫張大中丞帥師往剿而以河南候補觀察使桃源尹君贊軍事行有日僚幕將餞諸道增書生也未知其頃來豫相識不能以無言增聞治世之大經承平尙文戡亂尙武然武非勦旅陳師禽獮而草薶之也必爲元帥者說禮樂而敦詩書又得世傳忠孝博綜古今之名儒與之並處幃幄運籌決策暢軍事而中機宜故舒而爲雨露奮而雷霆即執獸獻囚而廓然見天地之量焉惻然見父母之恩焉雍雍然見儒者之氣象焉所謂文德修則武功益懋戰鉤不敵義鉤道實由此嘗考周宣王時

棠溪文鈔卷一

八

鎬京告警尹吉甫受命往征有功來歸而飲御諸友惟推張仲說者謂仲以孝友之故與吉甫交歡然則吉甫固孝友人也夫孝爲百行之原以揆文則能厚民風奮武可以匡王國吉甫派源八士厲翼有年而戰陣不勇之戒切劘於仲者必久名臣名將懿鑠古今宜其作頌而有清風之喻飭戒而興六月之歌也第不知嚴翼共武之日仲列元戎否抑贊謀畫否得毋功歸主帥詩人未暇備載耶不然顯允方叔嘗著薄伐之功何至采芑行吟始信其名由功立也今中丞經文緯武德位兼隆君以亮節名卿任司軍諮察酒相得之美直與張仲吉甫同雖主佐之柄今與昔殊而同心同

德奇勳可以振契致況區區小醜勢等摧枯拉朽乎朔風正致風立折膠行見旋師奏凱豫人士擁道歡迎必謂文武中丞萬邦爲慰而受多祉歌燕喜者且將以克壯其猷頌君矣是蓋文德溢而武功允符詩人推本孝友之意而雷霆之中寓以雨露則增所望於中丞尤增所望於君也增念切執鞭藹弱無能爲役惟筆約雞毛敬仿狹巷短兵之句高唱輿前倘亦掀髯大笑曰何物沈生痛快乃爾也乎是爲序

送黃翔雲駕部出守雅州序

黃子翔雲通籍後迴翔兵署者十有六年每自值歲歸則鍵戶讀書不與勢官接庚申辛酉間有要人耳其名欲羅致之不可得子屢次計偕聞京師能古文詞者以黃子爲稱首今夏始相識譚藝甚洽因獲讀其論著中有騷說一首乃力沮洋人借用驛站車馬時旁觀斬而目之者夫騷義與騷直近史謂汲長孺騷直由今論之騷直果足病黯哉黃子文章樸茂峭折不落恆蹊雅與其人類至事關大體者遲疑數千言有名臣奏議風黃子鍵戶十六年所讀書未必異舉人其所得則有獨深者奈何世之人僅以文章

棠溪文鈔卷一

十

目吾黃子也黃子年將五十太夫人在堂諸子成立京俸幾不能給六月簡授雅州守雅於蜀土瘠而民馴公牘簡少黃子板輿奉養膳膳潔羞之暇則博綜藏籍以成經世業其樂何如嗟乎天下不乏膏脂藉以黃子之骨性使自擇之必不以彼易此乃知聖天子涵濡培植之恩直俸高厚而黃子際遇之隆非前賢所能及也已今機輅盡掃方隅底平子之官亦惟本爭驛站車馬之心而以賦治之夫長孺猶重於漢時况時際承平聖天子不次而擢循良之吏哉黃子勉之幸勿忘郎署十有六年之素也

送劉侍御之守閩中序

侍御劉子賓臣余十七年前計偕舊友也以京察奉命守閩中送之曰大丈夫搦三寸管取功名入任諫垣出典大郡榮矣哉然余與子交最久契最深知子之志不在此即余之期子者亦不在此也憶余之識子也在咸豐庚申是夏余南旋子需次工部未幾遷補刑部浙江司兼貴州司主識判每晤日下來者均稱子精聽斷多平反以是知子之治官書無憾也舊例部郎補官後考御史不得不復與子一試即記名待簡用時余館荆南初聞喜久之轉不釋然蓋諫院之難居也久矣政治之失與封疆大吏之不

棠溪文鈔卷一

十

職有言責者直陳之彈劾之其宜也然官不過五品一旦秩滿外用爲其僚屬賢者或不包涵否則百計掎摭必泄其憤而後快言路之塞積重之勢成豈不以此歟及辛未北上距子入台時數月耳所晤儕輩無不津津劉侍御始知子之言有當於人心且悔前之過計也今又驅五馬鎮專城矣昔人謂名臣之經濟必由歷練而成郡守治地千里小亦數百里事繁而責重民何以安吏何以察異說何以屏積弊何以除無一不需歷練即無一不裨乎經濟擴而充之任封圻不外是豈第一郡稱治耶雖然窮達時也升沈命也勢可爲而不爲者迂也勢不可爲而爲者闇也曩聞士大夫

宦海之說甚疑之後游南昌經彭蠡日將午南風微扇雲蟲起雷聲殷殷然柁翁大呼急趨岸下碗碗市就風日交作湖口浪若山嶽夜半余問故翁曰風雷天地之正氣所以生物也值其變則乘勢恣威正莫能與之敵靜以待之無患矣次日波平如鏡抵章門後屢舉此語同志謂行舟而得居官法子之任相其勢而自度其才如可有爲則竭智盡忠以上答 聖天子之知遇不然沮水之陽白兆大鶴之麓購屋數椽田數畝修潔白之養而以清白貽子孫天倫之樂天爵之尊莫大於是豈必以人世之榮爲榮乎然此皆子之志也余奚由知以十有七年舊友也

棠溪文鈔卷一

三

送范月槎之任揚州序代

同年范子月槎績學工詩由副貢舉辛酉京兆會從子鶴生學校禮闈以例引嫌弗就試束髮從軍不獲一當大敵心鬱鬱出佐揚州守道過許昌訪余撫軍幕以都門畱別詩屬和余少弗能詩且軍營旁午卽能弗暇也瀕行餞以酒而謂之曰子所守乃司寇漁洋王公服官初地也司寇委概英拔得自天材復聽廣陵之濤聲攀梅嶺之峻絕江山第一怡性陶情又日登平山之堂撫歐陽公遺蹟與君文冰叔諸子日鍛月鍊故其詩內含奇氣外露逸情沖澹夷猶追李杜而轢何李之詩未知視司寇何如而其官同其地同其性情又同則無之不同無疑也獨念自司寇迄今守揚者不知幾何人寂寂鮮有聞者將毋如冰叔所云揚爲魚鹽錢刀之所湊仕宦豪強之所寄嗜利好進不復以文物爲意習俗相沿遂浸及士大夫邪吾固信子之必刮此垢也抑余更有進焉昔司寇出都時著文誼敦古處勉以事上臨下治事用刑之道吾子之誠敬寬慎無俟余言惟揚毗金陵粵逆再躡今撫綏雖更數守而瘡痍果盡復民氣果盡蘇守禦果盡堅士風果盡振乎大江東去布帆高颺竹馬遠迎最哉之子

棠溪文鈔卷一

三